

**09 NOIEMBRIE**  
**RUGACIUNEA 7**  
**SF. IERARH**  
**NECTARIE DE LA EGHINA,**  
**AL PENTAPOLISULUI**

**Молитва**

О Богомудрый и всесвятый отче Нектарие, святителю Христов, чудотворче великий и преславный. К тебе ныне прибегаем верою и любовью чтущии тя, похвалы сия приносяще от всего сердца и помышления. Ты, угодниче Божий, явился еси ныне яко звезда утренняя, озаряющая мира сего помраченныя концы светом благодати Христовой, юже стяжал еси неложно смиренным житием твоим и кроткими нравы, нетленных и премирных обетований сподобльшися. Сего ради мы, недостойнии, молим тя прилежно: отче святой Нектарие, не забуди нас, к тебе усердно притекающих. Свет сый ныне, просвети души наша, помраченныя страстьми, озари наш ум и обнови помышления во еже поучатися нам Божественным и священным образом и нектому о суетных пещися. Утверди нас, преподобне отче, в вере,

надежде и любви ко Господу Богу нашему,  
исцели болезни душевныя и телесныя, буди нам  
покров и прибежище в скорбех и напастех,  
вразумление и исправление во гресех, благодать  
независтную подающе всегда, яко да прославим  
Единого Истинного Бога, дивного во святых  
Своих, Отца и Сына и Святаго Духа, ныне и  
присно и во веки веков. Аминь.